


კავკასიის ეკონომიკის ყოველთვიური
მიმოხილვა
ივლისი 2026



ეკონომიკური ზრდა




კავკასიის ეკონომიკურ ზრდაზე რუსეთ-უკრაინის ომს კვლავ დადებითი ეფექტი გააჩნია, რასაც 2024 წელს მონეტარული შემსუბუქების ეფექტი დაემატა. შედეგად, ამ პერიოდში ზრდა 6.2%-მდე აჩქარდა. 2025 წლიდან ზრდის ტემპი ისევ შენეულა. წინა წელს ეკონომიკა 4.4%-ით გაიზარდა. მიმდინარე წლის იანვარ-მაისში რეგიონის ეკონომიკა 3.5%-ით გაფართოვდა.

✚ 2024 წელს საქართველოს ეკონომიკა 9.5%-ით გაიზარდა. გასულ წელს ეკონომიკა 7.5%-ით გაფართოვდა. მიმდინარე წლის იანვარ-მაისში ზრდის მაჩვენებელი 7.8% იყო. ზრდაში მნიშვნელოვანი წვლილი ტელეკომუნიკაციების, დამამუშავებელი მრეწველობის, ტრანსპორტისა და საფინანსო სექტორებმა შეიტანეს. კლება დაფიქსირდა მშენებლობის მიმართულებით.

🇦🇲 2024 წელს სომხეთის ეკონომიკა 8%-ით გაიზარდა. გასულ წელს ეკონომიკა 9.2%-ით გაფართოვდა. 2026 წლის იანვარ-მაისში ეკონომიკა 8%-ით გაიზარდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 1.2%-ით მოიმატა, სამშენებლო დარგმა კი - 24.1%-ით. მომსახურების სექტორში გამოშვება კი 9.1%-ით გაფართოვდა.

🇦🇷 2024 წელს აზერბაიჯანის ეკონომიკა 4.1%-ით გაფართოვდა. გასულ წელს ეკონომიკა 1.4%-ით გაიზარდა. მიმდინარე წლის იანვარ-მაისში ზრდა არ ყოფილა. აზერბაიჯანის ეკონომიკის სტრუქტურაში 31.1%-ს ნავთობისა და გაზის ინდუსტრია იკავებს. ამ ინდუსტრიის გარეშე ზრდის ტემპმა 0.4% შეადგინა. სოფლის მეურნეობა კი მხოლოდ 2.3%-ით გაფართოვდა.

ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში ეკონომიკური ზრდის ტენდენციებს ნაკლებად იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი საქართველოში დაფიქსირდა.

✚ 2025 წელს საქართველოში ინფლაციის ტემპი, წინა წელთან შედარებით, აჩქარდა. 2026 წლის ივნისში სამომხმარებლო ფასების წლიურმა ზრდამ 5.8% შეადგინა. ივნისის ინფლაციაში მაღალი წვლილი ტრანსპორტის ფასებმა შეიტანეს, რომლებიც 16.5%-ით გაიზარდა. თუმცა რიგ სექტორებში ფასების კლება დაფიქსირდა, მათ შორის კავშირგაბმულობის ფასები ყველაზე მეტად, 6.4%-ით შემცირდა. ამ ფონზე ცენტრალურმა ბანკმა ბოლო გადაწყვეტილებით რეფინანსირების განაკვეთი 8.25%-ზე შეინარჩუნა.

🇦🇲 წარსულში რეგიონში ფასების დინამიკით სომხეთი გამოირჩეოდა. 2026 წლის ივნისში სამომხმარებლო ფასების წლიური ზრდა 5.1% იყო. ყველაზე მაღალი, 8.6%-იანი ზრდა სურსათის ფასებზე დაფიქსირდა, ხოლო ყველაზე დაბალი, 0.9%-იანი ზრდა გართობა და კულტურის ჯგუფში იყო. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით რეფინანსირების განაკვეთი 6.5%-ზე შენარჩუნდა.

🇦🇲 აზერბაიჯანში ინფლაცია აჩქარდა. 2026 წლის ივნისში სამომხმარებლო ფასების წლიურმა ზრდამ 5.8% შეადგინა. მაისში ეს ნიშნული 5.6% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ივნისში მიღებული გადაწყვეტილებით პოლიტიკის განაკვეთი 6.5%-ზე შენარჩუნდა.